


頌文濟度金書卷之七十

殷一

御製

天地定位	陰陽協和	星辰順度	日月昭明
寒暑應候	雨暘以時	山嶽靖謐	河海澄清
草木蕃庶	魚鼈咸若	家和戶寧	衣食充足
禮讓興行	教化修明	風俗敦厚	刑罰不用
華夏歸仁	四夷賓服	邦國鞏固	宗社尊安
景運隆長	本支萬世	正統十年十月十一日	



靈寶領教濟度金書卷之七十

殷一

洞微高士開光救苦真人竊金真授

靈寶通玄弘教水南先生林靈真編

科儀立成品淨供合用

甘露淨供壇前鋪水火池儀

步虛

臣某謹重誠上啓

三清上帝十極高真應化度人无鞅真宰仰
冀隆慈載垂鑒映臣聞陽魂陰魄妙萬化以
裁成坎虎離龍運二儀而橐籥南上列朱陵

之府西靈尊內禁之曹流火神庭黃華東井
幹五行之精粹陶庶類之形神凡有顛依必
蒙感應以今入意曲荷慈風之高映密凝甘
露以下臨妙絕芳鮮幸皆飽滿提携拯援終
藉生成深念六道窮魂四生滯爽盡屬陰曹
種子豈明造化良因九炁无歸萬神俱解莫
遂超升之路有孤生化之恩庸按憲章普行
鍊度金膏洞照消鎔億劫之塵根玉彩呈祥
灌沐多生之業垢庶萬形之澄湛還一性之
靈明時刻昇遷飛行自在伏望金書度命玉

符告盟降水火之真精布儀璘之正化返純
陽而消陰否本始生成變塵質而回靈根胎
嬰入妙皈依激切恭伺玄恩

無量度人天尊

焚召鍊度官將符

上清靈寶玄壇炷香關啓

朱陵火府南昌上宮鍊度仙曹執職官吏主
水大將軍水沼神將水沼使者水沼童子黃
華玉女石景水母十二河源大將主火大將
軍火池神將火池使者火池童子火鈴靈童

擲火萬里大將九天溥度青玄左右真司鍊
度真人仙靈玉童玉女願遵玉敕莅止玄壇
和合陰陽符黃華蕩形之妙匹配水火明玉
眸鍊質之玄雲篆宣行金科召役各恭乃職
共暢真機一如

靈寶無量度人律令

殺一

水火鍊度天尊

咨爾真靈隨我神運變化水池蕩滌三靈鍊
形濯質

侍職捧水盃洒水池

衆誦靈書

焚建水池符

太陰含化八景齊臨
五老秘諱太陰通明
璇璣運轉招真致靈
陰光降炁變鍊鬼魂
天漿下注流燭利貞

焚降真水符

陰炁鍊化景物詵詵
壬癸濯質同魄鍊形
大道宣化天地合并
水變上元魂度南陵
焚真水合同符

魄皈壬癸
鬼拘九壘
元始真符

煉魂真水東井黃華夫人降醴太玄真竅
返復精髓激濁揚清入生出死
咨爾真靈隨我神運變化火池陶冶亡魂鍊
神返炁

侍職捧水盃洒火池

殺一

三

衆誦靈書

焚建火池符

南方之君火府之神降炁變易流火神庭
亡魂鍊質逍遙上清金光煥落玉眸易形
焚降真火符

同炁濯魂金精通明四象咸蓋丙丁鍊神
日魂普照廣度亡靈升神宣化陽炁升騰
金液上鍊仙化成人

焚真火合同符

閻浮玉詵洞妙自真火熾丹天晃朗朱陵

冶鍊離貞配合日星玄幽那漠萬梵敷陳

玉眸鍊質天尊

咨爾真靈隨我神運部衛幽靈來詣壇前依
科鍊度

焚引魂入鍊符

玉京萬法大羅尊

千重寶範億玄言

碧霞絳雲列衆道

玉闕金閣敷真文

偃定高真遊至空

八極飛神度無邊

鬱鬱昭昭萬炁中

吐聲如嬰炁成紋

振動梵天是空道

靜明法耀擁慈雲

超闢昏衢北羅艷

列上金簡還靈明

炎炎火池成清涼

解刃挫鋒悉摧紛

豁散業境空法力

保召罪性來吾壇

天尊聖齊本無際

萬天萬地承真元

莫有不從不化度

超凌三界佐虛玄

隨心所召願心歸 仙信梵言如甘泉

一聞百骨解熱惱 朱陵開度成至玄

超凡大道入慈悲 不濯巨細惟翩佺

華夏泠泠引汝魂 逍遙獨步紫虛天

水火鍊形天尊

殺一

咨爾真靈部衛幽爽隨我神運赴水池受鍊

四

引旛詣水池

焚水鍊符

北方之君 黑帝之精 辰星使者 壬癸將軍

玄武陰神 肅肅清音 五行造化 萬物發生

天帝有敕 使者須聽 攝召亡魂 濯鍊真形

焚黃華蕩形符

東井黃華 石景玉精 飛玄水母 金醴玉津
泊泊源源 不竭池亭 九龍吐灌 三光垂精
仙人吐潤 鍊度幽靈 內外朗徹 表裏洞清
百關九竅 元炁滋榮 五臟六腑 萬神自生
胞胎結節 隨水開扃 死炁斷絕 惡根沉零
我今鍊化 死骸生魂 反故易貌 玉體金容
變化鍊度 飛升紫庭

焚月簡符

黃炁陰華 陰精固仙 沐浴九魂 冠帶紫晨
明暉啓告 玉胎鍊仙 華光交接 流光陶津
九陽齊化 玄霞散烟 元景回靈 曲映我身
飛升上宮 洞觀瓊軒

焚玉精水鍊符

般一

五

金醴玄津 森羅淨露 玉龍灌溉 百關清靈
滌垢豁塵 萬氣齊仙 育鍊華池 真元自澄

焚水鍊變仙符

黃炁流精 三台凝光 玄輝返正 冠帶八芒
鍊度東井 受明飛光 金華散靈 五君流芳

夫人降醴遍洒十方
洪芒下注六府溢光
金精九仙易景返容

清水度魂天尊

咨爾真靈部衛幽爽隨我神運赴火池受鍊

侍職引播詣火池

焚火鍊符

南方之君赤帝之精
熒惑使者丙丁將軍
朱雀炎神赫赫陽精
五行造化萬物發生
天帝有敕使者須聽
攝召亡魂鍊度真形

焚玉眸鍊質符

刀利禪猷 婆尼靈童 流火鍊質 玉眸真容
升入福堂 洞陽之宮 司命受鍊 相火成罡
梁為天宰 同感炎光 樞機輔弼 星列玄章
育徹大明 赤章凌芒 鍊化神魂 表裏俱昌

焚日簡符

赤爐丹景 圓華九明 太輝啓晨 煥耀朱精
五帝肇霞 洞映萬生 觀落上真 空无條平
運炁鍊采 流蕩五形 使者神化 六府敷寧
壽均天地 三辰相傾

焚飛仙火鍊符

流火鍊質 玉嬰返形 九陽易質 五神合靈
左合飛火 炎精迸輪 洞照天地 內鍊形魂
焚火鍊變仙符

朱明上景 日月合明 中有赤帝 南極真人
名曰洞浮 玉眸洗洗 洞陽火鍊 陰極陽生

甲乙丙丁 戊殺一己庚辛 壬癸受鍊六 魂榮胎生
三嬰迴骸 起死返生 朱陵度命 受鍊更生

朱陵度命天尊

咨爾真靈 部衛幽爽 隨我神運 水火交鍊 迴
尸起死 結炁成形

侍職引旛詣水火池之間

焚水火交鍊符

坎升離降 虎走龍奔 天一地二 子午胎仙
南樞北機 烏兔遶幡 黃華逆飛 炎光下傳
周迴九六 普鍊無邊 太極真炁 運合乾坤
九轉神化 飛升自然

焚金液鍊形符

金液鍊形與道合真 開明三景是為天根
无幽无極無始無終 元皇九醜靈魔絳宮
紫雲飛天 身乘六龍 水上火下 流入三宮

神歸陽明大道自通

焚回尸起死符

靈芝無根衆化之原 中凝七魄 上結三魂
二十四真 出入无門 杳冥之內 恍惚之中
隨劫存亡 逐炁而生 外凝混朴 內養七真

兼一

七

五神植華 三台敷榮 紫闕素童 返形皈英
騰雲而升 駕霧浮空 中有玉真 號曰神公
左挾无英 右衛白元 玄獸過後 丹禽導前
上浮翠蓋 下擁金蓮 香炁凝空 甘露無窮
食之无盡 尋源不終

焚元君鍊身符

炁化成人 尸變八玄 三化九鍊 升入九天
九天之劫 更度魂神 受化更生 得爲真人
水火成真天尊

玄壇肇建 朱府流光 走虎飛龍 結五行之秀
炁含烏育 兔媁二景 之英華 幸陶九地之魂
靈均悟一乘之正性 恩周无極 仁浹有生 載
爲萬物之生神 允屬九陽之妙化 敬依寶典
恭請宸輝 溟滓凝精 降蒼碧黃白綠紫絳玄
丹之鬱勃 恍惚有象 庶胞胎魂魄藏府竅景

神以圓成稽首皈依稱揚妙範

九天生神天尊

謹上請鬱單无量天帝真胞命元元一黃
之炁九重為所度幽靈纏其胞使胞元宣通
上散於天以生成

焚本天真炁符

混合空洞炁	飛爽浮幽寥	延康無期劫
眇眇離本條	苦魂沉九夜	乘晨希陽翹
大有通玄戶	鬱單降晨霄	黃雲凝靈府
陰陽炁象交	胞元結長命	惡根應化消

桃康合精延 二帝秀玉飄 灌溉胞命門

精練神不凋 九天命靈章 生神神自超

元君遏死路 司馬誦洞謠 一唱萬真和

九遍諸天朝 稽首恭劫年 慶此榮舊苗

謹上請上上禪善无量壽天帝真胎命元洞

一

八

冥紫戶之炁九重為所度幽靈纏其胎使胎

根解結下響於地以固靈

焚本天真炁符

无量結紫戶 炁尊天中王 開度飛玄爽

凝化輪空洞 故根離昔愛 緣本思舊宗

幽夜淪遐劫

對盡大運通

帝真始明精

號曰字元陽

櫻兒伯史原

結胎守黃房

斬根斷死戶

熙願養櫻童

禪善導靈炁

玄哺飛天芳

華景秀玉質

精練自成容

務玄育上生

羅列備明堂

太虛感靈會

命我生神章

一唱動九玄

二誦天地通

混合自相和

九遍成人功

大聖慶元吉

散華禮太空

諸天並歡悅

一切稽首恭

謹上請梵監須延天帝真魂命元長靈明仙

之炁九重為所度幽靈纏其魂使魂門通神

以達精

焚本天真炁符

須延總三雲

玄元始炁分

落落大梵布

華京翠玉尊

明梵飛玄景

開度長夜魂

遊爽赴期歸

炁炁返故根

太帝號陽堂

字曰八靈君

九關迴綠道

胎炁生上元

陵梵度命籍

太一輔精延

泥丸敷帝席

三部八景分

魂生攝遊炁

九轉自成仙

琅琅九天音

玉章生萬神

三徧列正位

炁參八辰門

玄關遏死戶

靈鎮津液源

般一

九

應會感靈數

明道潛迴輪

慶此櫻兒蛻

稽首讚洞文

謹上請寂然兜術天帝真魄命元礪尸冥演
由之炁九重為所薦幽靈纏其魄使魄戶閉
關天王降仙以安寧

焚本天真炁符

寂然无色宗

兜術抗大羅

靈化四景分

萬條翠朱霞

遊魄不顧反

一逝洞羣魔

神公攝遊炁

飄飄練素華

榮秀椿劫期

乘運應靈圖

空洞生神章

瓊音逸九霞

一唱萬真會

騫爽合成家

九轉景靈備

鬱鬱曜玉葩

兜術開大有

一慶享祚多

上聖迴帝駕

櫻兒歛以歌

不勝良辰會

一切稽首和

謹上請波羅尼密不驕樂天帝真藏府命元

五仙中靈之炁九重為所度幽靈纏其五藏
使五藏清涼五帝朝真以存神

焚本天真炁符

翻翻五帝駕

飄飄玄上門

遊步黃華野

迴靈驕樂端

採集飛空景

舊爽多不存

太微迴黃旗

無英命靈播

攝召長夜府

開度受生魂

公子輔黃寧

總錄具形神

玉章洞幽虛

五轉天地分

炁練元藏府

紫戶自生仙

數周衆真會

啓陽應感繁

玉女灌五香

聖母慶萬年

三界並歡樂

稽首禮天尊

一

十

謹上請洞玄化應聲天帝真靈府命元高真

冲融之炁九重為所度幽靈纏其六府使六

府調泰胃腕生津以納和

焚本天真炁符

應聲無色界

霄映冠十方

迴化輪無影

冥期趣道場

靈駕不待轡

朗然生神章

空洞諒无崖

玄爽亦為疆

練胎返本初

長乘飛玄梁

蘄畜喪天真

散思候履常

斬伐胞樹滯

心遊超上京

願會既玄玄

悟我理兼忘

介福九天端

交禮地辰良

混化歸元一

高結元始王

稽首儔靈運

長謝囂塵張

謹上請靈化梵輔天帝真元府命元高仙洞

笈之炁九重為所度幽靈纏其七竅使孔竅

開聊心神朗明以開通

焚本天真炁符

玄會統无崖

混炁歸梵輔

務猷運靈化

潜推无寒暑

乘數構貞條

振袂拂輕羽

瓊房有妙韻

汎登高神所

圓輪無停映

真仙參列序

上上霄衢邈

洞元深萬巨

秀葉翳翠霞

停蔭清泠渚

邀翫怡五神

繁想嘯明侶

五難緣理去

冲心自怡處

爽魂隨本根

疊疊空中佇

七誦重關開

豁滯非神武

運通由中發

高唱稽首舉

殺一

十一

謹上請高虛清明天帝真華府命元真靈化
疑之炁九重為所度幽靈纏其八景使三部
八景整具形神幽夜光明以防身

焚本天真炁符

清明重霄上 合期慶雲際 玉章散冲心

孤景要靈會 煥落景霞布 神衿靡不邁

玉條流逸響 從容虛妙話 靈音振空洞

九玄離幽裔 感爽無凝滯 去留如解帶

明識生神章 高遊無終敗 玄景曜雲衢

跡超神方外 應感無方圓 聊以運四大

研心稽首誦

衆聖共稱快

謹上請無想無結無愛天帝真嶽府命元自
然玄照之炁九重爲所度幽靈纏其身使三
關五臟六腑九宮金樓玉室十二重門紫戶
玉閤三萬六千官府三千六百機關根源本
始一時生神使萬神俱備毛髮生身諸天下
臨以得生

焚本天真炁符

無結固無情

玄玄虛中澄

輪化無方序

數來亦叵乘

誰云無色平

峩峩多丘陵

冥心縱一往 高期清神徵 良遇非年歲

劫數安可稱 浮爽緣故條 返胎自有恒

靈感洞太空 飛步霄上冰 津趣鼓萬流

潛疑真神登 無愛固無憂 高觀稽首昇

九天稱慶天尊

教一

十二

太上高真九靈之精 死魂飛仙上登紫庭

沐浴華池身神澄清 精通太虛萬炁自生

回靈養素天尊

咨爾真靈部衛幽爽來赴壇前傳錄授戒時

刻昇遷

太上初炁混陰陽 水火既濟方玄黃
鍊質玉容合仙品 飄飄飛步遊仙鄉
滓穢消除神明清 霞衣錦珮光琳琅
靈寶青玄無上聖 開度功德不可量
一聲玄梵徹三界 綿綿道德生仙鄉

侍職引旛詣法座前

玉章誦微妙炁生神涵三寶之恩光沐千真
之景貺一塵不立萬境俱空行宴御於虛无
永逍遙於寥廓脫離苦趣返復真宗惟太上
之慈悲慮衆生之顛倒暫明終晦易墮輪迴

護正衛真宜修教戒佩奉盡遵於玉律宣傳
庸按於金科各肅身心勤拳跪受

億劫應化天尊

智慧頌

智慧常觀身 學道之所先 眇眇任意肆

教一

十三

自然錄我神 天尊常擁護 魔王為保言

晃晃金剛軀 超超太上仙

道言沉淪苦道不覩陽光皆因愚愛貪嗔邪
淫放恣妄求不息侵掠无厭三業六情故為
誤作結讎長夜魂魄飛揚无倚无依轉生沉

墮若能受持九真妙戒持心端恪勤拳遵行
當得罪削陰關上名南籍轉輪福慶升入無
為爾等衆靈夙植良緣幸逢玄化超幽陰之
苦海受甘露之香齋鍊魄洞陽消愆泉曲滌
多生之塵垢復九炁之胎嬰返形更生回旋
太混倘不佩受真戒檢制身心一有障魔前
功俱廢我以運心慈憫領教度人今當道前
依科傳授先皈依於三寶次宣說於戒條請
肅儀容擎拳稽顙

道經師寶天尊

人各恭敬

第一皈依无上道寶

道寶讚

第二皈依无上經寶

經寶讚

第三皈依无上師寶

師寶讚

三寶既已皈依九真今宜得授佩持之後即
有天真上聖四司六宮察命威神行藏擁護
遷善舉惡禍福立彰鑒爾身心絲毫不漏若

背違戒約懈怠身心再墮幽陰難逢善果切
宜靜心專意念道思真稟戒而行頃刻勿捨
當得世世受福劫劫長存身處光明不經苦
惱常為真道永侍仙官道不負人勤行諦受

大慈說戒天尊

北帝頌

十四

善哉元始尊

衆生慈父母

傾光紫微宮

曲映九幽戶

峩峩立寒庭

廻照廓冰浦

炎炎烈火焰

霈然灑法雨

圓通大哀智

常善濟衆苦

披度長夜魂

今得稽首禮

第一敬讓孝養父母名初真戒
第二克勤忠於君主名念真戒
第三不殺慈救衆生名持真戒
第四不淫正身處物名守真戒
第五不盜推義損己名保真戒
第六不嗔凶怒凌人名修真戒
第七不詐諂賊害善名成真戒
第八不驕傲忽至真名得真戒
第九不二奉戒專一名登真戒

奉戒頌

道為無心宗 一切作福田 立功无定準

本願各由人 虛已應衆生 注心莫不均

大聖崇正教 亦由雨降天 高陵靡不周

常卑故成淵 海為百川王 是能舍龍鱗

萬劫保智用 豈但在厥年 奉戒不暫虧

教一

十五

世世善結緣 精思念大乘 會當體道真

九戒傳受三寶證 明智慧昭彰 圓通无礙開

明未悟警覺真仙性 翫五神超升 大有心生

妙慧形入无為靈童歌 無量之音 神公開長

生之戶六根清淨 萬業消鎔 旋行紫極之宮

洞妙金華之境精思陽梵駕景飛玄永脫諸
塵逍遙自在玄壇符籙資導去程恭肅披宣
各宜跪受

宣救苦符

宣長生符

宣生天籙

宣運明誥

宣溥度券

宣超生符

宣九龍符

宣托生符

宣九戒牒

宣功德牒

宣護送文檄

向來溥施玉清甘露淨供開度幽爽功德周

圓伏冀縱步金蓮朝神玉闕辭三寶而離席
持九戒以升真名注丹書功標紫字永无輪
轉妙契虛玄泛乘不死之舟便達無爲之岸
少需發遣平步登天

寶華圓滿天尊

臣聞二儀布化九炁凝神千真聚會於三宮
萬象森羅於六府百關和暢九竅開通魂靜
魄寧神清氣爽所有亡魂仗茲良因隨果受
度得爲真人臣等草茅賤類螻蟻微軀輒膺
命以求真仗鴻慈而濟物虔伸懇悃普被恩

光乘大道之甄陶
涵萬天之景貺
伏望雲車風馬
却返於層霄
玉藥珠華飄零於碧落
臣等仰謝天恩
下情不勝激切攀戀之至

送真頌

迴輶五雲輿

騰駕九章歌

倏忽升天遠

殺一

十六

黜壇香炷多

玄恩覃宇宙

福祿遍山河

緬想神仙路

逍遙上大羅

師行超度法

道衆送旛如儀

焚燎

贊引歸靜默堂小啓謝師
向來頌

靈寶領教濟度金書卷之七十



